

南郭詩集



服部文庫
417
2021



417
2021

南郭先生

翻刻必究

五七言絕句

東都書肆嵩山房

南郭詩集

五言絕句

東都四時歌春

花下誰家妓，東山醉未歸。
落花不相待，偏傍紅顏飛。

夏

不覺人間熱，泛舟避暑杯。
餘酣何所

417 2238

見江口大潮來

秋

江近通溝水，城頭魚自肥。秋風吹一
夕，處處釣鱸歸。

冬

謝家江左，貴歲晚不知寒。雪片簷前
色共憐，柳絮看。

江上曲

吳姬纔慣步，偏恐路傍心。只賽江神
去，江花空自深。

塞下曲

昨夜逐強胡，駐馬陰山下。萬匹齊欲
嘶，北風落平野。

詠史

徒見王孫窮，相輕市客中。未能酬一
飯，長劍為誰雄。

戲代內人亦五鹿生二首

君道讀書去，今朝信宿回。儒生著何服，不見一人來。

知就高陽飲，醉中應有春。夜來君自愛，多恐酒傷人。

折楊柳二首送松子潤

不須折垂楊，青青映客舍。君從使君行，堪繫千騎馬。

不須折垂楊，枝枝各愛養。此別易前期，明年定無恙。

湖中歌二首送武子忠

應有家人待，可論此地遠。歸心湖上色，早傍白雲飛。

勾踐城中士，水鄉歸故居。湖邊多暇日，應食王餘魚。

春寒二首

窗中返照微，
返未作登山屐。
春寒雨作雪，
酒力醒來微。
夜數聲歸不歸，
迷雁過昏

重別海上人五首

海東復海西，
萬里白雲低。
指人間落日迷，
雲水別袈裟。
祇樹空新綠，
惡聞子規

啼故教歸去，
促嶽色春寒盡。
半邊入翠烟，
休將君白
雪試對芙蓉天。
東海行裝足，
橐中得大珠。
無價摩尼色，
玲瓏照故都。
欲別重相問，
知君悲老翁。
取經應有限，
馬首幾時東。

月下題扇

題罷漢宮扇微風玉樹開林端明月
出疑是美人來

長安道

躍馬長安道春風向冶遊五陵花落
盡公子不知愁

春眠

春眠無客至白日靜花蹊夢裡聽黃
鳥醒來近樹啼

春雨

城外今朝雨空濛滿萬家不知烟樹
裡減却幾枝花

遙題鷺湖

水閣開山曉湖舟上嶺霞芙蓉浸初
日更濯玉蓮花

關山月

家鄉千萬里關月相隨來自聽胡笳

五言雜句
劫_十歸心盡_レ作_レ灰

寒松霞關
席上

寒松高標秀，城上接氤氲。衆木風霜日凜然，獨有君

松子錦偶得雪景掛幅，是猗蘭
炭所圖，因作以助其賞

雪華懸咫尺，玉削數峯寒。不沒幽情色，猶餘丘壑看。

答源京國大夫自作花瓶并詩

見贈

花瓶勞驛使，還勝寄梅人。挿得幾枝色，坐看無限春。

奉和荷澤公子夜雨作

蕭瑟寒林雨，愁人獨夜情。誰知臺上夕，別自入琴聲。

觀雪梅圖

羅浮明月色，閨苑美人姿。坐愛肌侵雪，看疑香滿枝。

聞箏曲

忽聽鳴箏響，牆東雜鳥音。拂絃人不見，簾外百花深。

松前氏西莊得樹字

脫嘖坐山中，醉倚雙松樹。上有仙鶴巢，應緣近雲路。

題畫扇

扇上雙鴛鴦，猶餘畫裡香。秋風昨夜至，不敢獻君王。

後猗圖

獸王元自在，寧假虺哮聲。河堵威風起，毛群不敢鳴。

題画山水五首

積翠他山出，輕雲遠水空。扁舟張翰

興一—望起秋風

崖樹將溪石都含山水音清風猶未
發似待我鳴琴

江閣誰相望蒼茫海上秋唯看帆影
入萬里有歸舟

一徑有人住茅簷窺茂林羣山連屋
後更見白雲深

雁落靜秋江等閑無人賞山上客偏

歸定知熟來往

秋晴

他日悲搖落新晴玉樹枝今宵為明月
隨意秋風吹

和大川尊者秋後見簡

錦字看相照霜林色可知且尋秋後
興願及未衰時

此君亭飲得人字

竹裏清風足，閑亭不受塵。此君宜縱飲，寧厭脫巾人。

恐海上人見，贈盆荷并詩云是竺蓮答謝

盆荷開且涼，由來自西域。更想山池花，轉凝每熱色。

題美人圖

陽臺移步時，似近望還離。帷幔流波

起，不知心向誰。

離亭落花

携手到野亭，落花亂如雪。飛入勸君杯，似惜河梁別。

扇面雪芭蕉

空齋芭蕉雪，玉屑重無聲。偏著窻間色，不須冰素清。

題畫

葉

相將何處客，林外馬蹄輕。
更遠貪秋色，應尋野興行。

靈芝石是鳥石山，人五石之一。

崑山一片石，神艸生。
氤氳拾得陪，翰墨時時見五雲。

范蠡浮湖圖二首

扁舟心不繫，已作五湖人。
釣得知多少，何須比渭濱。

茫茫湖上，舟心事向誰。
語中有一枝，花春風任所去。

冬郊

冬郊霜後路，一望兩三家。
烟樹總蕭索，春風何處花。

題画

峻嶺臨江海，逍遙北固濱。
相看情自遠，知是晉時人。

墨牡丹

自有名花色，寧須粉與紅。
太真凝玉質，浴罷倚春風。

雪後即興

柴門一夜雪，轉變沒人蹤。
不似城中色，朝來踏作泥。

雪後簡友人

門外山陰雪，情深儻復來。
略知家醞

熟且欲待君開

城傍曲

公子揚鞭返，城傍落日曛。
馬蹄試不盡，千里駐郊雲。

獨處愁

月明似訪我，顧影淚先流。
夜夜深閨裏，甘心獨處愁。

方公松風齋

蕭寺訪方公，深林目擊中。賞心不相
隔，閑坐聽松風。

題画山水

絕津無客跡，隔岸有人家。此中堪沒
世，山水足煙霞。

江亭立秋

落日江亭酒，猶憐避暑杯。秋風不待
報，先入晚潮來。

金井侯後園七題

鳳館千竿竹，清風相和生。客來對長
嘯，不待雌雄鳴。

右鳳棲館

寒水靜逾碧，深淵不可窺。蟠龍千尺
窟，應有興雲時。

右龍淵

高柳臨塘水，拂雲將拂波。金絲輕不

五言絕句
亂一片夕陽多

右柳塘

鬱島彩雲中
神山自不遠
何用假黿頭
坐來盤石穩

右小蓬萊

西風秋水起
楓葉又蕭蕭
群鴈相追下
應緣認沅湘

右楓浦

坐客彈鳴琴
臨流看潛躍
同心已不稀
相顧知魚樂

右觀魚亭

開館小池曲
通潮大海濱
灑然明月出
先照舉杯人

右海月灣

● 曉發山驛

山行曉不迷
熟路驛亭西
但恨山間

五言絕句
月行行沒馬蹄

舊宮人

久移宮裡柳零盡
陌頭霜繡袂向人
解猶餘舊賜香

林臥

客散臥林中
杯殘人語空
醉眠夢未熟
半自聽松風

梅雨

白屋黃梅雨蕭蕭
撫枕寒南山朝暮
色不作出門看

山下泉得中字

枕石伴清響
泉聲日夜通
人間從此去
何似住山中

柳花詞

風吹暗日雪花占
晚堤春飛著別離
客飄零送幾人

秋風引送人得風字

相看搖落候去住共秋風到處隨明月愁心滿客中

題淵明歸來圖

吾廬共無恙歡接見妻兒未賦歸來意先憐松菊知

聞砧

何處砧聲急聞時雙淚流無為孤客

夜代作征夫愁

江亭春夜送別得離字

江水春方滿江亭送別離花開月復出遊子無歸時

同前得寒字

春江花月夜把酒臨江干為有別離意相看心自寒

雨中殘花得灰韻二首

殘花春可惜，猶自冒寒開。
不怨階前雨，還須勸酒杯。

打花終日雨，似妬殘枝開。
神女過何處，蕭蕭遶楚臺。

夏夜宿僧院二首

偶坐逢僧夏，月明分夜涼。
林中珠滿處，一點得清光。

洗鉢僧房晚，浴龍池水中。
臥聞半夜雨，濯熱過林東。

觀瀾八勝 佐倉侯東莊

波瀾觀萬里，積水瀾亭居。
日月容相照，應緣江海虛。

右觀瀾亭

古木落空翠，近攀山上看。
午陰不可拾，只覺濕衣寒。

右空翠阜

潭府愛幽賞，江亭臨渚成。應知人事靜，鷗鳥近無驚。

右海鷗渚

朱華浮綠水，初發映池塘。方受朝陽色，似添蓮府光。

右朱華沼

断岸過坵上，溪流穿石清。徘徊停屐

聽下有遊珠聲

右曲坵

菊花園頃圃，培法受神仙。不羨生金地，還同種玉田。

右菊圃

溪石夾溝渠，潮來開閘初。湏流澗澗入，應是鯨噴餘。

右引潮溪

五言絕句

十一

五言絕句
廿七
清風侵座落繁翠古松深自有棟梁
氣亦存丘壑心

右倚松館

看調馬

龍馬愛馴良金溝試驟步並驅誰
且先迴合似相顧

賦得獨釣寒江雪

回望雪漫漫長江一釣竿前村風且

白唯看酒旗寒

西京五絕和了願師

周國已禾黍漢京芳艸生東方千萬
古只有平安城

右平安城

獻嶽祈羊宮皇州鎮北東東門日華
外咫尺五雲通

右比獻山

名山不可上，禹穴今如何。雲根君勿動，觸時風雨多。

右愛宕山

西野遡洄望，峽間雲氣開。急流千里色，知自月中來。

右桂水

記得少年春，煙華綠鴨濱。縱有西歸夢，難照白頭人。

右鴨水

閑步二首

大道夕陽滿，西雲日下開。忽忽驛使入，定是長安來。

西北誰家樓，亭亭下臨道。回看笑語高，應笑白頭老。

增上寺

漢陵雲樹合，蕭寺露盤懸。塔下三千

社區區植白蓮

愛宕

西嶽古神祠不知何歲移應是巨靈
力僊掌欲裂時

雪中作

茅簷白雪華擁兒對爐燼少女頗能
言渾似阿爺鬢

題三閭象

楓樹寒湘水斯心日月開猶看憔悴
色莫是招魂來

簡津宗榮乞梅花水

西海梅花水知君鄉國香不關勞驛
使還望寄來長

古別離

知君平昔心未識他鄉道漫言有前
期月半必歸到

江南曲

江南舟楫足，江上即裴回。人乘早潮去，暮潮為誰來。

楊柳枝得鶯字

長門宮裡柳，總是為流鶯。不惜試攀折，來春看復生。

艷詞

隣家桃李花，枝枝傍籬隙。縱是終無

言，憐君不相隔。

墨水詞八首寄島歸德

楊柳橋邊柳，下繫鱗魚舟。但憐潮汐速，不關離別愁。

右楊柳橋

西岸武陵花，東岸總州色。春風相送吹，渾見船如織。

右御廐渡

花川開繡戶，雙燕自相求。二八浣紗女，偏能下岸流。

右花川戶

歡喜龍山廟，花間嬌鳥鳴。彫梁挿紙馬，中有莫愁名。

右金龍山

大堤春水滿，相映送春衣。日暮逢公子，不知何處歸。

右日本堤

阿兒何處去，桺絮古江濱。猶自春風起，年年飛著人。

右梅兒冢

停棹春遊子，江堤處處尋。牛頭聽磬入，別有落花深。

右牛頭山

此處王孫遊，煙波落日浮。自看洲鳥

白京國至今愁

右在五祠

子夜歌

門外雙琪樹烏兒八九歸自從歡不見生長日翻飛

題雪景圖為參州淵龍秀公

半途風雪霽峽月正相窺總是前溪色幽人歸不遲

題畫二首

山頭懸日色江上渡秋風欲問通津處煙波人影空

江湖何處去渺渺一帆飛知是相望客送久猶未歸

道遙館春燕得雪字

花底風不寒樽前自別但解相和歌時時飛作雪

春

採蓮圖

歸舟貪採蓮，不厭香衫濕。只為人看，
稀潮來去轉急。

將進酒

一杯應易頌，猶是故人情。不見風塵
色，何曾醉裡生。

霞關席上有瓶梅，因賦得來字。
勸酒瓶中梅一枝，復一杯。杯中春不

少何待江南來。

題赤羽橋烏石青蘿館
六詠之一

附鳳繁華子，朝天赤羽邊。誰知橋下
窟別自有龍淵。

過酒家

壚上垂楊裡，春風媚少年。荷妨杖頭
物，醉臥玉鞍前。

夏日題松前氏莊五首

雙立松千丈凌雲宿露懸
裴回待人仰故落自中天
不必分隣落階前
丘壑通更忘賓與
至對酌坐山中
散行蔭林木空翠冷
衣裳復遇聽禽處
提壺就石牀
返照收餘靄前山
夏木平不知幽寺
近始聽暮鐘聲

苔徑雨痕過松林
月色高此中無限
趣應是為吾曹

宮怨得春字

例賜君王宴六宮
同是春更聞深苑
裡自有賞花新

又得愁字

處處漢宮色綠
人作箇愁可憐
金屋月復照玉階
秋

簡津宗榮乞梅花水

梅花千樹雪簞貯一壺春縱比金莖
露幸分消渴人

五言絕句終

南郭詩集

七言絕句

牛門分得出塞韻安字

征旗朝拂塞雲寒直指燕然掌上看
十萬健兒齊按劍更無人道憶長安
夜下墨水

金龍山畔江月浮江搖月湧金龍流

扁舟不住，天如水，兩岫秋風下。二州古意。

兩地愁心，明月懸夜來，應望玉關邊。即回青海，成涇渭，尚及飛蓬未白年。

送吳雪師歸山

嶺上珠林，隔梵臺也。知支遁愛山，回白雲深處，重相憶好。向人間一贈來。

感懷二首

雄風吹起，襄王臺黯淡，楚天愁裏開。今日賦成人，不見朝雲片片為誰來。搖落山中，玉樹林朱簾畫棟，夕陽沈。黃金臺上，颼風起，千里空懷燕馬心。雪中呈徂徠先生。

梁園賦雪，雪翩翩今日，雪飛非昔年。終是相如高枕，卧人間，誰賞上林篇。

贈樵仙女史

世言
篇成歎逝錦腸回鄴下無雙女史才
縱望西陵千古月何須抱瑟泣銅臺
和元漢峽中作二首

臘月風霜鶴脊關東歸蓬鬢老紅顏
陽臺雲沒應難度十二峯頭夢後山
山中何客為相尋信宿上方祇樹林
今日逢君猶有贈持歸一片白雲心
峽中作三首

鬱盤古木路蕭森白帝城中片月陰
石壁至今高萬丈雲邊獨住夜猿深
天際旌旗嶽作城古丘只對夕陽明
晚來松柏長風起猶似三軍擊鼓聲
深山大澤虎狼群夏后神功田野分
金甲角弓三十萬即今南畝盡耕耘
寄西京江子徹二首

聞說閑居賦始成一時傳誦帝王城

女兒也自能相識那得伯休偏避名
美酒千鍾琥珀光長安結客少年場
那知獨向青山色高枕蕭條一草堂

和子_二和戲之二首

司馬長卿一草堂倦遊何處不淒涼
風流故作臨邛客能可無心事四方
翡翠翩翩裁錦多相思醉和莫愁歌
應憐畫作蛾眉好故讓門前車馬過

和子_二和題扇詩時子和甫就羈

絆

百尺開筵秋復回黃金久築昭王臺
誰家郭隗偏相遇却使絕塵千里來
同東壁集子帥宅

濁醪相值愛閑居解道吾曹與世疎
今日蓬蒿君有意不教羊少一停車
舊苑即事

西苑繁華悲昔遊採菱唱斷沙棠舟
自今水石長如此孤月淒風王樹秋

宮詞三首

漢家天子憶凌雲五利新恩拜將軍
仙掌夜高多露裊坐看瑞氣日氤氳
合歡殿上翠帷香別有神仙不死方
玉女深宮齊搗藥賜恩夜夜奉君王
御香欲襲翠雲裘長捲衣裳侍殿頭

隨例朝朝傳粉黛十年諳盡漢宮秋

春宮曲

御柳鶯啼暮色遐君王有喜醉仙霞
玉階宴罷珠簾下多少偏籠解語花

秋宮曲

秋水菱花前殿開昭陽歌舞夜更回
深宮浴罷纔看月阿監已過重閣來

西宮春怨

世言總論
五階日永草如煙，深院花飛誰復憐。
知是增成歌笑地，春光仍舊媚君邊。

西宮秋怨

纖纖初月上，昭陽似妬娥眉，秋恨長。
自信當年辭玉輦，淒風何使妾心傷。

青樓曲三首

已從夜獵出長揚，躍馬橫驅馳道傍。
檣上火明知不寢，無端唱斷羽林郎。

遺却金簪醉倚樓，衆中戲著鷓鴣裘。
從他共指阿郎婦，不學盧家鎖莫愁。
章臺少婦後姬姜，倭墮輕移金鳳凰。
白馬不如揚柳色，青青更入暗曠長。

青樓怨

歲歲年年陌上花，春風吹落竟誰家。
花飛眼着真成似，傳瑟又迎公子車。

春日行

池上春光碧玉壺，烟花來往酒家胡。
酒家呼作高陽客，囊裏金錢還有無。
春日同吊梅兒冢，行至淺茅原。
江上風惡不得渡，東壁吹笛且
有詩余和之。

茅原吊古，草蕭然，潮急風高，不上船。
坐久忽逢瑤笛起，隔江吹送落梅篇。
傳通院同諸君遊得回字。

紅樓移作梵王臺，上第山川祇苑開。
似是慈恩同賜宴，更教酒客題名回。
牛門賦梅花落得吹字，示東壁。

德夫

樓上梅花白雪枝，翩翩氣色照金危。
春風有意將新曲，故使佳人玉笛吹。
閨怨
丹鳳城頭別恨長，愁看無處不秋光。

若何相憶關山月莫似閨中獨夜霜

俠客二首

平生臂上大刀瘢結客場中弄赤丸
七尺形軀三尺劍未知俠骨向誰寒
昔年燕趙報仇來長說主人心已灰
唯有笑談多少客酒酣傳飲觸體杯

采蓮曲

婀娜芙蓉出水寒美人長袖下江干

不知並蒂采將去偏傍誰家掌上春

石叔潭之函關留別諸子和此

却寄

思君忽望夕陽曛何意偏分玉筍雲
似是猿啼三峽水到時風雨不堪聞

和答吳雪師龍華山見寄

龍華樹上白雲邊秋到何山不可憐
知爾詩成論卽色寄來應任中郎傳

猜蘭臺雨集得雲字

高筵秋色雨紛紛
琥珀杯寒不厭醺
已識蘭臺人似玉
轉看珠履客如雲
謁瑞泉上人話舊
余嘗同上人
兄田君省吾遊
何田君避世
東海余亦新抽簪
今而到此可
不慨然哉賦此申懷
兼寄田君
三首

蕭寺幽蹊鎖古藤
吳江深院謁高僧
相看無奈尊羹熟
空遣秋風促季鷹
金龍山畔招提遊
携手曾過墨水舟
一自故人東蹈海
大江秋色向南流
北海索居文舉才
樽中無恙向誰開
十年已厭漁陽鼓
肯信禍生辭吏回
同東僻德夫集子和
青天黃鶴武昌樓
濁酒同君海上秋

勿謂吾徒仙骨少飄然已自似滄洲

陪西臺侯遊驪山同賦得飛字

五馬春風花欲飛驪山二月鬪芳菲

假令十日須酣飲未必交歡問布衣

和答寂通師峽中見寄二首

傳言飛錫指期還日日回看西北山

小佛嶺頭秋欲暮白雲依舊滿邊關

南畔芙蓉天際懸想看才氣更翩翩

誰知山上禪餘色忽落人間白雪篇

永代橋望海二首

東望天邊海氣高三叉口上接滔滔

布帆一片懸秋色欲破長風萬里濤

危檣象著數州船滄海湖高江上連

兩岸人家西北折長橋龍臥欲垂天

遊蓮光寺奉和卓上人答德夫

作上

七言絕句
落木溪邊葉已殘，禪房碧瓦出林寒。
蕭條欲賦廬山色，知是昨留玄度看。
聞德夫逢韓客作此為問

北海祥雲送使臣，日邊賜谷更無塵。
親看重譯升平化，應信東方有聖人。
觀子師與韓客唱和作因賦呈

子師

聞君久佩碧琅玕，一贈韓人照席寒。

北俗從來貪漢貨，相逢好作價高看。

聞叔潭與韓人歡作此為呈

使客遠遊修聘年，遍聽十五國風篇。

怪來頃蓋君如故，相贈交歡子產賢。

伯錫兄弟與韓使唱酬作此為

喜

藻思如雲逐席生，詞人南北鬪才名。
解言兄弟輕儉父，元自能文陸士衡。

同前贈仲錫

北來使客始相逢，應喜岡家見二龍。
座上堪驚明月色，非關故舊作先容。
江上樓送鳳泉師之信州

此去關山入白雲，回頭海嶽向西分。
水鄉三歲泛舟興，同上江樓更送君。
送子和赴東奧

金華山上有銀臺，玉女逢迎接海關。

東望恐君三島駐，人間一見謫仙才。

十三夜作，余時移居芝山南浦。

賓雁時來南浦，秋望前夜色滿江樓。
亦知不減觀濤興，懸月海天回八州。

送辨中師之京

芙蓉雪嶺送僧伽，五月橫流大堰河。
自是彌天無限路，帝鄉西指白雲多。

遊神足寺答願公見示

浙江潮色對門長臨海龍宮倚上方
今日讓君多少句人傳靈隱有賓王

送融公歸相中

湘江楓岸白雲飛到日露濃珠滿衣
不是季鷹心自切秋風一起向鄉歸

送貫道師歸鄉

東道雲霞錫映天袈裟更泛浪華船
故園萬里繫珠意海上遙教明月懸

木犀居席上賦得木落見他山
林表烏棲落日閑蕭條極目霽邊關
白雲黃葉秋天盡黛色偏餘玉筍山

春日送融公歸鄉說法

說法新懸瓔珞衣乘春成道故山歸
開花應遍雨花處天上人間照眼飛

暮春江樓送人

大江日夜子規啼樓上茫茫遠水迷

無那汀洲春草色王孫未去已萋萋

送觀了師歸海西

阿蘓山上彩雲邊到處天龍護海船
心地從來西向久知君欲破萬重煙

送薰堂師歸海西

萬里舟行乘碧空說經自化闍婆宮
日明龍女獻珠處一半樓臺海氣中

和麟藪木公代笑老人之作

病癩年年誤世情老來轉臥一疾生
予今落日大梁道誰信不期公子迎

會業日子和見邀將出恐諸君

徒至齋中留詩以謝失約

雨後泥中下澤車相邀杯酒任人賒
休疑率意步兵駕猶在山陽取醉家

就子和飲歸路值雨賦贈

一曲行歌乘醉歸夕陽雲外忽霏微

杖頭驚起葛陂水，直作蒼龍風雨飛。

采蓮曲

蘭橈珠翠露華香，相映相憐紅粉粧。
越女却嫌江水淺，采蓮欲就同心長。
子和移居北里，不見數月，作此。

寄憶五首

天南海氣正漫漫，萬里長風月色寒。
無限驕濤能可贈，夜來只合付君看。

一雙鴻雁晚來孤，東畔哀鳴西畔呼。
各向蒹葭深處宿，月明望斷洞庭湖。
北里南隣接暮烟，交歡何事一蕭然。
莫言大道直如髮，腸斷城邊尺五天。
司馬門南少故人，更愁風雨暗江濱。
城頭一月空回首，憐雨笑談誰與新。
城上斜陽十里分，愁來相憶轉看雲。
近知白盡無餘髮，忽復相逢驚殺君。

七言絕句
秀緯就任大垣秋九月從族東
朝得再會喜而賦三首

旌旆悠悠向海東
驛亭五十送秋風
自今無限江山色
悉入翩翩書記中
白虹忽向海門回
為喜行裝相對開
無恙芙蓉腰下劍
問君辟易幾人來
再逢南館意何如
旅食今朝忘客居
聞說大垣泉似酒
飲時應憶武昌魚

長安感懷三首

長安大道昔時春
故苑歸來白髮新
今日看他行樂地
相逢總是少年人
謾記南山上隱時
重來佳處不勝思
一丘一壑長如故
留得蕭條更待誰
回頭無限霸陵山
佳色千秋滿漠關
身是已為吳下客
五噫歌罷向東還

泊瀨觀音閣

泊瀨春雲五色間，
觀音高閣占名山。
鈴鈴金策誰家客，
三十三天次第攀。

般若井詩 詳人記 麻谷

瑞祥靈跡瑞祥通，
石甃銀牀傍梵宮。
心地海深般若水，
乾泉復出為圓公。

奉酬泉侯見寄作二首 侯時有 衛浪

華之行

夜珠元自屬隨侯，
臨別翻投赤水流。

征旆行懸城上，
色更開明月浪華。
秋衰羊都廢茂陵，
書宿昔凌雲謝子虛。
為是下帷堪伏枕，
唯餘多病似相如。
為于子迪壽太翁七十

總海東連若木，
開朝霞日出見蓬萊。
懸知高會蒼顏侶，
坐酌仙人沆瀣杯。
智衆院池上送巖同甫野子賤
還湖中得青字

湖天萬里杳冥冥二子乘舟還洞庭
此會池邊相憶否眼中猶入數峰青
守山侯占春園花飲園有繫駒
樹

占春園裏擁樓臺清酒芳筵留客杯
今夕逍遙繫駒樹何人不醉背花回
戲題插花掛版

昔日君王恩未成司花偏侍太憨生

無端一出階宮後憐殺春風別有情

伏疾值中秋

誰家歡宴月明前絲管紛紛徹曉天
垂死帳中欹枕聽秋風只在促衰年
起復謝問疾諸君

老羊心事著寒灰抱病偏臨永夜臺
但為故人招得劫遊魂不遠復歸來
金井侯見貽蓑笠率賦奉謝

樓臺百尺大江頭，湖海還通一釣舟。
 著得老翁蓑笠好，欲乘春雨聽潮流。
 九日送松前新帥奉使赴浪華
 黃花此日照金盤，奉使非關別酒寒。
 行且逢迎諸將會，浪華城上倚高看。
 早春歸德命駕余時遊江東，不
 在壁上見留二詩和以寄謝
 寒盡還蘇病後身，江東花鳥逐新春。

銜

誰知張翰杯無恙，猶自生前混酒人。
 慙愧君來違罄歡，蕭條四壁艸堂寒。
 留題但是陽春調，轉恨合杯相和難。
 春盡觀魚亭分韻十一尤
 花盡春林落日浮，子規啼送暮天愁。
 相看但有江湖趣，忘却觀魚亭下游。
 神門越君叔嶽壽太孺人賦此
 并菊花奉贈

九月僊桃熟幾回高筵日暖北堂開
願添黃菊南陽色更進金門玉露杯

離宮怨

漏靜長門夜未分起來花落已紛紛
玉階但是懸明月復自朧朧入曉雲
約遊妙解院諸君先至艸堂雨
不果同賦簡大川尊者

此日朝來歎舊今人間風雨隔東林

只逢半道開杯酒猶似蓮華江裏心
冬初同諸君遊妙解精舍先是
數約秋觀值雨至今主人尊者
有詩和以申志

廬山同社問殘秋雨後空林落木愁
唯有心期長不背白雲依舊入杯浮
送東嶽生從駕其君之西京
吳門白馬雪紛紛千騎東方匹練分

到日長安花似錦，據鞍堪自鬪春雲。
鸞嘯閣席上，酬菴南君。

龍溝春水吐珠迴，彩筆看君侍邨臺。
想得阿蘇山上色，曾飛咳唾問天來。

送佐子坤從宇土侯歸國

好去還鄉宇土城，追隨且奉使君行。
江山自入風雲興，不似孤征動客情。

題画山水

誰家乘興一扁舟，行望樓臺山寺秋。
積翠閑雲無限影，相迎先入大江流。
春日奉問金井侯，臥病戲作。

使君稱病畏春寒，綉被香深暖合歡。
更進姬人侍服散，何妨帳裏擁花看。

揚柳橋送人二首

揚柳橋邊墨水濱，酒家留客不勝春。
誰知暫對胡姬醉，中有愁心送別人。

農

千家兩岸大江流，楊柳毵毵欲繫舟。
此地春風無限恨，橋邊分手為君愁。
夏日飲田家

蕭條麥隴半成黃，晨畝無人猶未忙。
野老休疑相對飲，吾徒一醉即高陽。

東山寶光堂觀楓

東山返照雨花臺，霜後登臨樹樹開。
春日懸珠秋日錦，寶光長在彩雲隈。

歡

伏日聞秋文學壽筵賦寄

壽席相逢長命杯，無非酒賦勸君開。
盡勸此日梁園客，不羨金門割肉回。

秋日集聽潮館奉寄懷巖邑侯
得頭字

館中依舊海潮秋，相憶遙知獨上樓。
只慰名山巖邑色，白雲長自滿城頭。

三日雨

佳節年添白髮，新老來遙隔。永和春
蕭條何事，花時雨，猶為風光愁殺人。
聞友人遣妓戲贈

舞筵新愛一枝花，何待我來結子。遐
無那情，即春易盡，移陰更復向誰家。
尾藩鈴公致仕後寄此遙想樂事

高談下飲坐，相酬都愛蕭然一室秋。

為政當年清靜意，于今更作采真遊。

遊仙曲

雲臺玉女伴仙翁，天上合歡都不同。
為謝人間徒起羨，氤氳重隔紫烟中。
秋夜宿石象氏館聽雨得四支
村樹秋聲雨遶枝，終宵置酒欲酣時。
相看不是離家遠，猶似蕭蕭添客思。
天遊館雪集得一東

珠樹銀臺瑤闕東，爭妍白雪共玲瓏。
誰知詞賦人如玉，此日梁園壓漢宮。

早春賦梅花落送人

離筵遙望夕陽斜，西到長安是我家。
欲折一枝附君贈，江南春早落梅花。

春雪集悟賞館

館前飛雪避春寒，且映金樽白玉盤。
不恨風光遲未至，紛紛已作落花看。

送石仲綠赴尾陽且游西京

雄都壯麗舊經過，相和千人客裏歌。
更到長安尋勝事，名山大澤待人多。

送曇龍師遊玉筍山

飛錫凌空欲上天，碧雲吟作白雲篇。
試藏石室長無盡，留在名山玉筍邊。

題曇龍師詩卷

誰知大地放光新，七寶金銀都是真。

問

借門君家安養，侶能遊此境，更何人。

送人遊赤石

滄海征帆赤石城，古時洲島霧中生。
試看今變桑田地，萬戶秋風饒月明。
奉和喜壽侯中秋對月見懷之

作

相

想憶當年百感生，桂花秋至不勝情。
但知滄海樓頭月，不減青雲城上明。

雨晴登聽潮閣限韻收遊秋

雲飛海上雨初收，共醉聽潮閣上遊。
休怪晚來歸不去，停杯更待月明秋。

金川渡海到三浦

三浦懸帆破白波，江山改觀入看多。
相迎海若為驕色，棄去長風一笑過。

浦賀三首

相中大港繞江山，萬戶人家兩岸間。

七言絕句
二十五
一夜西風吹不盡，千帆飛入海門關。
海上關門積水寒，江湖猶恐避人難。
不圖自有隱君子，枉作青牛紫氣看。
三浦三崎十洲邊，海南海西萬國船。
應為鼉頭流不住，相逢多是播遷仙。

望海二首

相山遙望大荒流，一片長雲海上秋。
更向天南鴻雁渡，始知環外有滄洲。

大海煙波入瀕濛，不知何處是寰中。
天邊唯有扶桑樹，佳氣偏凝日出東。

九里濱

九里長濤萬里迴，海門中斷大潮來。
琅邪山上先王觀，猶自吾徒遊不回。

望蓋山

蓋村城郭倚陂陀，墟落蕭條行且過。
秋色更攀林外望，千山交處夕陽多。

登深谷山

無限秋風木葉飛，林巒傳響遇人稀。
蓋山城外臨深谷，獨自蘇門長嘯歸。
城島照海燈

城島孤燈夜似星，海南祠上照波青。
千帆商舶風濤裏，直望天光拂杳冥。
夜猿啼

放館更深落月低，空山無夢夜猿啼。

斷腸不待三聲後，回首徒教客思迷。
賦得春寒花軟遲，韻鶯字

園林迎氣入春情，冰雪纔消試步行。
何處風光幽谷樹，欲將花信問遷鶯。
將遊函山留別諸君

東方函嶽跨蒼龍，欲壓天門日觀峯。
若問歸來持贈物，連雲白雪有芙蓉。
得山中人書

本集避下有署字

久隔華陽洞裏，蹊依山望盡白雲西。
白雲唯解去來色，書贈人間傳不迷。

山館避園長岡侯後

繞館千章六月寒，風搖空翠落欄杆。
醉銜杯酒醒高枕，只作深山隔世看。
逍遙園裏得侵韻，奉和主侯席上見贈之作。

杯酒相忘醉裡心，逍遙更入後園深。

雲霄縱得攀鵬翼，莫是尋常笑小禽。

為慧頌上人題芙蓉圖

壁上芙蓉萬仞山，雪華如玉對開顏。
奪將芥子須彌色，容在諸天方丈間。

雪後聽潮閣逢立春

高歌白雪照筵通，更和陽春滿郢中。
此日聽潮開閣望，羊光先入大江東。
三月四日臥遊亭集得一先

言絕句

高亭真境對山川，醉臥深看洞裏天。
休問昨遊何地好，桃花此處伴神仙。
送章菴杉生生善鍼術予適有
風痺之病生為之達一期稍覺
病已因賦為謝

年衰轉歎別離難，老樹蕭蕭臨路寒。
唯倚能回春色手，著花明歲待君看。
流螢篇

深宮玉樹月光微，數點流螢照薄幃。
縱是秋風吹不定，那知不傍九霄飛。
初冬衰露園集賞菊分陽韻

菊籬錦繡引杯長，衰露凝光未帶霜。
總為愛花兼愛客，深園十月護秋香。
賦得古別離覃韻

紛紛楓葉落湘潭，腸斷秋川湛似藍。
一去北流看不返，妾身長自在江南。

北言
病後同諸子遊少林院席上奉
和大川尊者見贈

登廬踏履侵蓮漏，求酒垂巾醉玉杯。
仍為遠公憐病客，舍兒門客共扶來。

舟中雪

月夜江天墨水寒，人家兩岸雪漫漫。
扁舟乘去興難盡，誰作山陰門外看。
分得平蕃曲寒韻

黃河一帶塞雲端，直上燕然山北看。
從此漢家三十萬，還鄉休歎遠征難。
雪漁師為西華山上座，寄此為
賀

萬羊山上倚青松，盤結高分坐似龍。
知是抱珠眠更穩，彩雲飛送下堂鐘。
春日送耆山上人西遊

雲遊仗錫幾山河，最是長安春色多。

縱是幻華無所著勝情寧得等閑過
三日尋子昌莊

鳥啼花發野亭西三日重來路不迷
處處春風桃李下何人已足踏成蹊

和答宗仙細川君

病夫十載避風塵蹊路還慚桃李春
此處休傳流俗說城頭年少易窺人

和答武田君子誠

久拌謝客已衰年不艸玄經唯醉眠
縱是被嘲無解事何須萬一世人憐

金地院謁方丈蒼溟尊者話舊
席上因和見贈之作奉謝

三十年前舊梵臺指揮如意復歸來
自憐未死交遊侶重逐天花拾得回

送島子行徒駕其君之浪華
別酒忽忽行色催離情空送浪華臺

師

七言絕句

三十一

勸君江海登樓處，豪氣堪傾鸚鵡杯。
送曇龍歸省海西

真果東方珠絡身，歸開明月海西濱。
橐中別有千金價，好是深藏奉老親。

六月晦日遊少林院

人間何事坐忽忽，一半年光似夢中。
幸有少林常住色，攀來早已入秋風。

七夕前一日天臺侯館納涼

今宵先照二星光，烏鵲橋頭愛早涼。
自是天臺違咫尺，偏疑銀漢灑衣裳。

七夕悟賞館值雨得秋字

銜杯良會共登樓，不羨雙星七月秋。
愛此分將天上水，散為雨色逐涼流。

奉寄懷神戶嗣侯

賦月高樓彼一時，繁陰重想桂花枝。
誰憐十載西園客，回首秋風鬢似絲。

七言絕句

三十一

遇井君君祥見示客中稿兼有
惠詩因賦短章為贈

一遇交驩為盡杯且聞上國宦遊回
休言祇役無寧處堪羨三都作賦才

米大夫將西歸留詩二首見別

聊和一首因叙離情

此去重來復幾時尋常萬里易前期
獨悲落日將衰老別後西看天一涯

早春懷子和

一年一度椒花杯城北城南自上臺
處處春風催日夜生憎黃鳥近人來

六月送江山人歸嵐山五首

江城六月送君還瘴氣偏蒸大海間
行盡道程知幾日秋風早已滿關山
萬里揚鞭東海濱暫時來往苦風塵
自今無恙青壇坐遙想嵐山舊主人

石徑荒涼入舊溪，草堂深處夜猿啼。
為憐空谷隱君子，歸到鍾山路未迷。
閒庭荒草露華飛，依舊西山解客衣。
更想王孫門外色，秋風未掃待君歸。
南牕寄傲坐來休，江檻新添望月樓。
大堰舊河千里水，無邊秋色為君流。
送了願師之西京三首

西指芙蓉此送君，遙飛錫杖白雲分。

明朝還向芙蓉望，仍舊天邊是白雲。
行盡琵琶湖上，秋從他征馬帶邊愁。
無端唱起昭君怨，曲裏回頭入帝州。
長安大道白牛車，過處逢迎長者家。
知是明珠衣裏色，併將彩筆照京華。
梅關禪師為萬年山上坐作此
奉贈

萬年之山百尺壇，高分半座掌中看。

海門日色回頭處，照出庭前柏樹寒。
送清泰菊庵老禪歸峽中。

峽路秋高大嶽陰，山中歸鎖薜蘿心。
松林趺座盤龍結，知與寒雲白日深。
春日奉送扶搖公子之常陽。

白馬金鞍公子行，東門艸色似相迎。
青青楊柳何須折，欲併春光送路程。
鸞嘯閣雨集席上奉酬松山世

子見贈

鸞嘯高筵鳳作群，何妨閣上雨紛紛。
羽山更有來儀客，照出朝陽五彩文。

題画竹

窻前已似含煙動，壁上還如承露輕。
若問山陽林下色，清風時自待人生。

山莊栽松樹子

欲移松樹此徘徊，八十山翁手自栽。

遲暮祇應憐楚楚，何須長待棟梁材。
謝青山山大有惠，移喬松植之。
白賁墅

老學愚公壑，壞開繁松忽。此鬱蔥哉，
謝君遠併青山色，助我移喬木來。

明妃曲二首

一別宮中尚未真，龍鍾馬上度河濱。
忽看白草原頭色，始識身非漢地人。

一夜天山獵火寒，單于更自入雲端。
偶憐獨宿穹廬夢，強作長安宮裡看。
送源京國歸參州

綿綿道路幾時休，日見芙蓉海上浮。
唯有削成天際色，連山盡處是參州。
西臺戾南莊得長字

野色林煙帶夕陽，山中宰相自輝光。
五松館外松千樹，都聽清風滿苑長。

同子和乞酒於刈谷侯戲寄源
京國促之

酒泉太守玉壺香，開宴春醪日滿堂。
君侍還思判一飲，不難千里致高陽。
寄了願律師于西京二首

關山西望紫霄分，萬里長安日下雲。
天上雨花春欲遍，知君行處已紛紛。
遊子悽悽每憶家，園林何處對煙霞。

白金臺上春風夢，散作長安客裡花。
過羽處士江亭

江亭四月晝陰陰，繫纜相求綠樹林。
花盡桃源踪跡絕，柴門轉閉主人心。
奉和森山世子聞祖來先生及
諸子泛舟簡諸君之作

桂楫高歌玉樹秋，金龍山下水南流。
正傳今夕鳳臺曲，苦憶他時青翰舟。

送安養湛公還薩州二首

薩國歸帆萬里，舟天涯欲盡蜻蜒洲。
試看南海大珠色，偶似東方明月秋。
九州南畔五雲間，金策遙驅海若還。
到日高眠安養刹，長持梵偈鎮江山。
五月四日玄僊翁五十初度作
此為壽

壽筵先發酒杯紅，今日榴花醉晚風。
聞說神僊能不老，金丹懸在五絲中。
相中覽古四首

古城蹊路暗三春，落盡桃花溪水濱。
山犬相迎村酒熟，時時似待武陵人。
處處龍宮繞鶴陵，菩提樹下夜光燈。
歌臺百尺今何地，試入山門問老僧。
鳥合原頭黃鳥飛，荒山春光草初肥。
穆公一去秦良盡，無限丘墳知者稀。

五月四日 侍親平子美所請學定之真跡五
十作六十

靈山之北傍黃昏古道蕭條舊血痕
漁火只餘星月色江天夜夜照荒村

秋夜別友人得安字

送客三更杯酒寒祇言別後各平安
今宵遙指關山月明日天涯馬上看

又得邊字

秋風明月對離筵鐘漏沈沈到酒邊
無那匆匆今夕別難同獨宿夜如年

遊仙曲得臺字

秦城百尺紫煙開何處仙人駕鳳來
玉戶雲霄夜不鎖笙歌長自在樓臺

關山月得霜字

漠南秋入漠營霜纔上高樓總斷腸
橫笛黃昏吹不盡已教關月滿沙場

同前得吹字

烽火城頭欲夜時笛聲遙送別離悲

不知何處沙場客，隨意關山月裡吹。
同諸子送良真師之京，得山字。
道君西指五天間，王舍城中探勝還。
縱是雲游心不作，預知多在名山。
冬日鈴大夫席上聞樂

置酒高堂絃管清，聽時未覺數杯傾。
朔風莫是吹為雪，青海頻波樞鼓聲。
酬裁海上人見寄三首

海方明月照迷途，忽見投來懸座隅。
自是君家衣裡色，人間何問夜光珠。

來詩云掌中白璧如明月何得投
來照草廬

蓬蒿三徑病來深，時撫無絃牀上琴。
薩陞還應觀世遍，未知斯調合何音。

來詩云誰似朱絃楚調高又云不
妨偃蹇在蓬蒿

東路常陽近，自連出山何日此周旋。
關中非望青牛渡，天際爭教紫氣懸。

來詩云接天紫氣滿邊關

聞箏曲

促柱繁絃次第生，朱簾繡戶響銀箏。
樓前人有解天樂，道是先朝宮裡聲。
烏夜啼

閑庭一夜烏啼時，少婦空林有所思。
月色如霜簾外，樹聲聲近在第三枝。
客歲源京國東遊未幾，作別怨

林

復逢春賦此寄憶五首

去年分手太匆忙，今歲回頭路自長。
寄道還應開縱飲，勸君猶擬別離觴。
會時憂別別時悲，果爾離君彼一時。
唯是池中鯉魚足，那能不數寄相思。
杜若洲頭旅服歌，三河春色近如何。
知君暫作王孫態，早已歸鄉萋草多。
蕭條白髮歲年流，今日論心不可求。

七言絕句
剪燭西牕君記否，慙慙一夜說千秋。
登高賦筆散煙花，城裡風光天一涯。
日出春齊碧海郡，彩雲先已入君家。

漢宮詞五首

三十六宮五雲長，各分供張待君王。
上林到處花如雪，太液回來水自香。
金闕遙臨西極開，御樓方待貳師回。
由來欲得真龍種，果爾驍騰天馬來。

漢皇無事事，詞章自得長。卿益飛揚
近，更裁成雲五色。詔書故賜淮南王。
自是君王在九重，內閣偏繫六飛龍。
晚來密詔期門士，未識今宵何處從。
僊仗外移猶未回，六宮無鎖玉樓臺。
忽傳誰氏平陽伎，今夜新同御輦來。

秋宮怨

監宮歸鎖謝阿婆，不厭秋光透素羅。

猶得相攜女伴見月中宵冷弔嫦娥
梅花落送人

匹馬春風萬里情梅花落盡出江城
誰家笛解斯時恨吹送行人離別聲

少年行

陌上金鞍意氣生從他各自枉為情
翩翩不繫紫騮馬直向柳花深處行
隣花

客舍蕭然春意稀閑庭未擬栽芳菲
東風不隔東家樹吹起紛紛落我衣
子含見覓壽其太翁六十

七老曾歌石鏡山那知今日照紅顏
遙思猶有蓬萊似神女洲頭採藥還
東山看花得間字

東海天台北郭山山頭春色彩雲間
劉郎今又尋花去處處芳菲僊子顏

又得飛字

東叡山上陽春，衣東叡山下背花歸。
回看終日酣歌處，風起晚來為雪飛。

春遊曲三首

李花桃花杜曲濱，二月三月不勝春。
胡姬相眄連壚坐，妬殺隣家能醉人。
陌上春風映酒旗，路傍春草綠如絲。
碧蹄躑躅王孫馬，踏遍萋萋總不知。

絲管紛紛白日移，樓頭知是羽林兒。
驂騑繫在垂楊樹，認得長楊從幸時。
春夜宿田子舒道遙亭待月

林亭夜坐愛庭陰，暗送花香春自深。
猶是君家泉石色，月來應照薜蘿心。
送邦三桂歸省筑前二首

行程萬里子規啼，歸去鄉園自不迷。
我恨相思總難寄，天涯落日大荒西。

樓船共拂海煙歸，多少征帆如鳥飛。
更遇主恩裁畫錦，到家堪作老萊衣。

漢宮四時怨春秋夏冬

君王日幸上林春，此處禽聲空自新。
試下糝樓移步見，宮牆花落更無人。
閑庭熒照暑炎空，玉樹蒼蒼長信宮。
自愛麻衣如雪色，不須紈扇引秋風。
長門秋色夜如年，臥見中天明月懸。

明月似知玉階怨，照來形影更相憐。
重衾猶自繡鴛鴦，夜覺深宮瓦上霜。
驚破夢邊合歡殿，分明不使在君傍。
姬人怨服散二首

飛來青鳥百花間，桃李陰陰白日間。
搗藥洞房春欲半，任他夫婿獨紅顏。
為君裁作白霓裳，閨裡瓊簫寒鳳凰。
縱是上天無限好，人間不敢問僊郎。

送功子含歸江中得寒字

君歸且愛大江瀾，盛夏江樓杯酒寒。
醉把此詩儻相憶，湖山月出向東看。

又得青字

湖邊何處數峰青，一片君山似洞庭。
到日白雲明月裡，題詩隨意弔湘靈。

閨怨二首

去歲秋風九月衣，那知還未到金微。

只今更有北歸雁，雁不傳書自在飛。
聞說燕山雪似花，青樓遲日復西斜。
邊關難信無春色，不尔何由不憶家。

吳宮詞

姑蘇臺下采蓮秋，宮女如花滿泛舟。
月色似憐長夜宴，青龍到處逐君流。
土子長還鄉乞詩賦示

東都城上五雲飛，隨意能攜錦繡歸。

唯是文通餘數尺，那堪裁作故鄉衣。
訪隱者不遇

空山一路白雲重，偏鎖柴門對數峰。
無那興來還自去，裴回留影落青松。
小集莊子謙病不至，贈酒及詩。
簡座上諸子因和却寄

知君伏枕長卿才，忽贈芳樽對客開。
更為病來仍作賦，還疑酒自當壚來。

遊雲洞師居答見示

祇林春樹夕陽間，歸路何憂咫尺間。
老去許詢無勝具，時時賴得到廬山。
同遊芙蓉軒前夜，雨萬公恐期
不至有作因和奉謝

蕭蕭昨雨夢魂回，空憶潮音鳴梵臺。
豈意故添林下色，山花今日近人開。
今朝未霽萬公重有作見寄因

就和呈

山門春色雨初收，依舊晴煙落碧流。
不是君家掣龍手，那能得倚海天樓。

遊翼之宅晚值雨不許即歸戀
戀復飲因賦同用聲字

總知投轄主人情，且聽花亭風雨聲。
向晚何辭開口笑，明朝未必醉春城。
舟行過葛西陂二首

葛陂雲水映依稀，駕杖僊人去不歸。
唯有舟中斬蛟劍，時時更欲逐龍飛。
朝上長江萬里流，葛陂無盡任輕舟。
出郊未遠回頭望，早已浮雲多客愁。
送大淳師歸信中奔喪二首

天邊白井上西關，回首東方世界間。
無限白雲分不盡，秋風先入信中山。
白雲深處是君家，片片遙飛天上花。

樓臺開宴菊花香
簫管相和引鳳皇
既已有神山氣的顏
不老猶知孝養
誦無量
古為壽公師
壽其二親初發

更發囊中明月色，猶堪收淚奉麻耶。

竹枝詞二首

莫道舟行離別難，逢君復得問平安。
往來無恙竹枝曲，且上春流十二灘。
酒樓斜倚大江隈，雨散雲行春水回。
多少北人謾相問，不知斯處是陽臺。

擣衣曲

金閨玉杵朔風生，且聽沙場胡未平。

夜夜心懸明月色，慙慙好到受降城。

送騰鵠師得珠字

小山歸到歲茲徂，開裝應看明月孤。
試望漫天大堰水，寒光爭出降龍珠。
長洲本覺貫公見，惠書詩及赤
間硯作此奉答，且以代簡。

塔裡封書送雁鴻，新詩并照彩雲中。
更驚如意神通力，驅石還能到海東。

送首藤子高

海門中新九州間，溟色秋開赤馬關。
知是乘鯨萬餘里，長風拂盡待君還。
送瀧彌八遊西京

北斗闌干劍氣寒，衝天直是入長安。
何須江海除豪氣，試上樓臺百尺看。
保子國還湖中率題扇面為贈
臨別贈君詩未工，題來白扇起微風。

離情直是將明月，吹送琵琶湖水東。
寄賀僊臺佐容翁八十壽二首
濁酒人間不可酬，懸知開宴紫霞流。
杯中別有滄洲趣，長醉僊臺十二樓。
紫府樓臺日月遲，羣僊坐蔭扶桑枝。
不須謾羨金莖露，海上朝霞無盡時。
答彌八聞子和訃見寄二首

溪邊日夜露為霜，流水難停空斷腸。

一自秋風凋玉樹，蒹葭何忍獨蒼蒼。
朱絃不許謾相知，和罷由來此調悲。
只將白雪餘雙鬢，悵望高山彼一時。
梅花落

萬里長安春夢生，梅花底事落邊城。
海風吹起沙場雪，依舊傷心羌笛聲。

鷄鳴二首

鷄鳴車馬起紅塵，垂柳啼鶯思殺人。

干

日出粧臺三婦豔，府中何處不憐春。
鷄鳴光動玉欄干，少婦輕裳畏曉寒。
昨夜新開桃李樹，為貪春色捲簾看。
清光院賞花，遇新晴得回字。

祗樹玲瓏春霧開，相攜更上雨花臺。
梵宮日映紫雲起，晴院風芳白雪回。
謝瑞善院主見示

溪上風花醉殺人，謝君能設玉壺春。

二言絕句

五十一

飲來不減醍醐味却笑常憐漉酒巾

春思

高樓日永酒初醒水送斜陽滿晚汀
江上人歸春不管長堤楊柳自青青

送莊子謙二首

從駕驂驄碧玉蹄東關踏遍草萋萋
錦帆更信樓船穩直到長風萬里西
豐城五月子規稀芳歇鄉園方自歸

應憶離亭花未盡春風細送客衣飛

小集長洲首藤子高再遊至喜

賦

去歲春風折柳分今年交影亂紛紛
請看無恙門前樹重繫驂驄留與君

踏歌詞

江月江花一樣新嬌歌夜夜大堤濱
竹枝桃葉江南遠何似君家江北春

寒

神門雨集聞雁

城頭寒雨醉高臺聽雁還添勸客杯
勿怪聲聲都不怨承恩近自上林來

聞曉角

海風吹月凜餘輝飲馬長城曉未歸
一夜角聲聽不斷關榆塞草作霜飛

塞夜聞雁

春遲北去隔羊回雪滿南來傍月開

來去只驚孤客夢寒宵夜夜過高臺

楚宮詞

十二峯峯暮色通襄王行樂有無中
至今神女啼糝雨却自時來繞楚宮

同賦陌上美人得一先

香車輾過落花前繡箔雲鬟捲翠煙
陌上少年枉停馬不知春色在誰邊

相逢行

七言絕句

五十二

大道青樓弱柳垂繁華驚殺路傍兒
相逢左顧相迎入宅裡歌鐘欲起時

暮春登山

桃李紛紛流水來空山行盡傍溪回
不知春色人間去多少殘花猶自開

送子高歸長門

繫留難駐逸羣才千里生風一日回
知是驂騑雲集地長鳴共待黃金臺

冢德卿見乞其太翁壽詩賦贈

金漿為受主恩還紫府開筵醉駐顏
自是仙才緣玉斧兼知許史在人間

驪山探春歸到田有道居示有道兄弟

驪山三月醉都人恨殺猶憐世上春
何似君家雙玉樹風花片片勸杯新

楊柳枝詞送市川子哲

常鎖門前楊柳枝，離情纔是欲攀時。
青青風色君看取，繫得斜陽隨意吹。

送淵龍秀公還參州

寺在鳳來山下

鳳來山上彩雲間，下有淵龍眠自閒。
好去天邊迎錫處，都連五色滿東關。
九日莊子謙見贈酒及詩，率答
籬下蕭條送酒來，無須漉過且銜杯。
緣君添得陶家色，轉愛黃花無數開。

賦冬月圓得九佳

長信月寒圓，玉階轉如霜雪滿天涯。
不知何處承恩幸，偏入鴛鴦夢裡懷。
嘗欣信中諸禪多，文才藏海師
來見乃披其詩亦既具體，因題
其稿以贈行云。

高僧遁迹信中山，大嶽崢嶸不易攀。
唯有彩雲裁五色，散為天錦滿人間。

雲夢席上看花有感得時字伯時

子庚
新及

玉樹東風日夜吹，階庭忽顧半無枝。
春光不用苦相恨，猶是新花欲發時。

聞容翁訃寄慰源子敬

五城樓上白雲飛，一夕乘風去不歸。
想得唾珠光未減，猶和血淚灑君衣。

初夏集西福上人房得重字

梵王孤殿倚青松，且愛深林紫翠重。
長夏鳥啼人不見，始疑身在白雲峰。

奉和猗蘭侯席上見贈作二首

北闕青雲日日新，西山白雪自無塵。
他時更望芙蓉色，元屬蓮花府裡人。
坐忘亭上醉相酬，不羨君卿遊五侯。
玉樹銀臺明月夜，清風只在闕西頭。

瑤池曲

七言絕句
玲瓏珠樹對瑤池，雪裡花開無落時。
黃竹白雲歌未竟，如知人世別離悲。

當壚曲

紅粉當壚柳色分，驂騑欲繫亂紛紛。
不知何處青樓上，復倚春風醉殺君。

冬日青蘿館飲西仲英載酒

蘿亭高枕對寒煙，不怪吾曹懶草玄。
但解載來樽酒美，時時臥飲座邊眠。

荅子式集飲神門見寄

聞君此日為相思，集飲山陽總未知。
晚起蕭條密叔夜，悔緣疎懶誤佳期。

荅稷卿集飲神門見寄

寂寞玄亭畫不開，空知仙閣共啣杯。
勸君好盡流霞酒，何似貧家曾載來。

高樓避暑

避暑高樓落日分，傍臨城上自氤氳。

七言絕句

五十七

風歸翠色西山雨涼入青霄北闕雲
猗蘭侯席奉送勝山侯歸藩得
花字
風流晉代謝公家出入爭開玉樹花
更見分藩小侯氏奉揚遙發盡熊車

送人之參州

鳳來山色映中天城郭回看碧海船
試問漢王提劍地樓臺盡在彩雲邊

暫

送人還京

今朝慙勸客中杯相送西風鴻雁來
好去長安行樂處它時不上望鄉臺

秋晴對酒寄友

風乾秋色報新晴落日園林木葉聲
獨酌蕭條杯自淺誰知因見故人情
得大淳禪師見寄聞近住信中

龍泉

九月關山北地霜相思空復此相望
書來雁塔連秋色珠照龍泉想夜光
九月四日懷仙樓看子式攜菊
有詩和之

柴桑早菊泛杯流先節登高閣上遊
應為不須勞送酒折來籬下一枝秋
九日同登少林院上方得十二
侵

綠酒黃花傍少林相攜此日愛登臨
虎溪轉作龍山會忘却風雲醉後心

題遊仙圖

滿地金銀百尺臺彩雲滄海繞蓬萊
且看多少羣仙子長駐龍車遊不回

羽林郎

金鞍白馬過垂楊枉殺胡姬凝粉粧
借問霍家園後色池臺七十二鴛鴦

子規啼

子規啼血大江分，西望鄉關唯白雲。
日夜扁舟添客淚，天涯盡處不堪聞。
海門送別得山字

扶桑朝指彩雲間，日出扁舟浮海還。
君自神仙無滯著，好應因便問三山。
春宮詞

二月花開上苑春，朝朝遙望屬車塵。

君王最愛移遊幸，三十六宮何處新。

中川舟中

泛來聊繫木蘭船，轉岸南流入海天。
楓葉蘆花相對出，秋風總在夕陽邊。

少年行

等閑纔宿杜娘家，醉裏春風三日過。
欲上金鞍門外樹，攀來已謝滿枝花。
大磯驛眺望

待

驛路西連玉筍關關雲半引海雲還
只餘沙磧堆如雪更見波濤崩似山

早涼

雨後西山落日微那知此夕早涼歸
白雲不得秋風起已為愁人數處飛

東毛松伯瑞遊學歸賦贈

日光山上彩雲飛片片相迎客裡衣
自是君家多錦繡何須負笈遠遊歸

送滕叔明歸仙臺

海上秋風八月寒仙槎歸處向東看
客星一自攀霄漢莫謂重來此路難

鶉山櫻花

豐山十五景分題

十里青雲白日新鶉山花滿不勝春
隨風且送梁園色如雪應催作賦人

送海雲上人遊西京二首

上人有画癖

長安宮闕對山河別是天遊飛錫過

君但持來堪贈我青雲不似白雲多
西都何處最徘徊華嶽甘泉探勝才
摘取名山無限好攜歸須與少文開
神門集子式病不至戲寄

神門仙閣夕陽深玉露金莖落上林
無奈長卿愛消渴在家相和石頭吟
秋後登少林院後山得十五刪
霜林秋後此相攀猶見支公坐愛山

應許幽人貪一醉丹楓留白雲間

歲杪訪子式萱洲居同用寒字

萱洲繚繞使君灘白日樓臺不解寒
獨愛幽居霜後色長松樹下此相看
歲暮蘭臺值雪奉和滕侯得五

微

幾度蘭臺盡醉歸年闌况復此依依
興深不是山陰路西出城門雪滿衣

七言絕句

六十一

前訪子式有作高田侯和其詩
見寄再和奉謝

江東歸到臥塵埃怪見雲霄咫尺開
分得雄風吹玉樹飛為白雪下蘭臺
春日行

夾岸高樓幾處春酒家都占大江濱
飛花亂柳多佳氣恨殺風前白髮人
期攜諸子看花少林院前日大

川尊者有詩見贈和答奉謝

溪花春靜白雲間重許東林一醉還
半道故人邀有酒相攜直自到廬山
和滕叔明留別重送兼寄源子
敬

此日春風離別杯天涯遙送雁行回
更短冥寂遊仙客待爾同登海上臺
獨眠吟

七言絕句
長門宮裏玉階秋，夜夜空懸明月愁。
強為傍人還作怪，擁衾時復在牀頭。
華溪亭題小池得人字

亭下清風醉後巾，小池六月冷無塵。
相忘咫尺江湖趣，都似觀魚濠上人。
同遊少林院子謙病不至有詩
見贈和以却寄

少林山上出風塵，共愛涼秋爽氣新。

無那白雲終日在，不堪持贈抱痾人。

七夕詞

萬戶長安乞巧樓，晴河流入漢宮秋。
誰知天近還相隔，別作階前夜色愁。
客中九日

新亭此日對山河，客裏無如搖落何。
濁酒黃花聊復醉，秋風白髮不勝多。
九日答謝江蘭陵詩并菊見貽

菊籬三徑就荒貧風雨樽前赤水濱
此日陶家仍漉酒那知恰有貽花人
晚秋陪猗蘭侯飲此君亭

此君亭上罄君歡楓落秋風勸酒寒
滿坐莫非貪醉客不須栽竹避人看

清光院得八齋

清光院裏舊苔蹊木落波林自不迷
咫尺十年隔塵後方憐此日渡前溪

送蒼溟尊者還西京壽光院

樓臺多少對長安歸坐東山碧眼寒
縱使春來花滿嶺不妨猶作白雲看

畫牡丹

國色名花濃艷新一枝偏媚漢宮春
披圖即得君王寵画手由來不悞人

栽花樹

青雲白日傍春臺不隔東風入戶來

聊復愛栽桃李樹也應一笑對花開
長門公族大夫舍和其息蘭陵
君作奉呈主君

十年燕石隕江湖明月驚看照座隅
元自梁車堪託乘攜來共羨夜光珠

雨中春飲限韻

相遇山花冒雨開惜春携酒強登臺
未知明日風塵色好更何人有勸杯

為倉伯頌壽太孺人

王母堂前奉玉卮翩翩青鳥繞花枝
待看方朔金門寵他日仙桃欲熟時
送長子祗歸長門云到家壽阿
翁賦此送行兼代祝詞

君家遙想對南山歸解行裝五色斑
更獻芙蓉千古雪不憂才子遠游還

春江曲

世言終台
六十六
江下舟船江上樓儂家日日對春流
何如回楫輕無住潮去潮來總自由
送晏海上人西歸

夕陽凝紫照雲端說法高臺珠滿盤
忽欲凌空飛錫去江城百萬向西看
子式見訪時庭花已殘分得花
字

殘尊未盡夕陽斜蕭索閑庭一樹花

亦識恨君相問晚誰憐春色在貧家
送了義師還南紀

三山梵境接仙區徐福祠前天月孤
歸到試開南海夜何如衣裏出明珠

宮詞

漢家明月六宮秋多少紅顏滿玉樓
夜宴未終更漏促君王且覓翠雲裘

秋閨怨

七言
六十七
黃龍塞上年年戌丹鳳城南夜夜秋
萬里誰知明月夢波閨總是入邊愁

秋風引

年年搖落客身孤忘却吳中興有無
只被秋風吹惱殺空教歸思滿江湖
約少林觀楓雨不果簡大川尊
者

少林楓樹隔香臺此日蕭條風雨來

不意復遭天上姤人間何處磬聲歡回

同前簡霞關公

遙望匡廬風雨寒不教吾輩勝情看
空山此日無人賞零落東林楓樹丹

雪集慧眼院

寺後園陵玉樹林和歌兼興倚山陰
最看不染風塵色心地從來白雪深
鳴鶴詞為田有道壽太翁

仙翅西從崑閩來，珠花長映羽儀開。
在陰更有雙鳴鶴，相和同棲紫府臺。
奉送箕山公子還濃州封邑。
信陵公子大梁城，車騎如雲且送行。
徒向夷門勞枉過，老來何敢比侯生。

客中聽雨

夢裏鄉園萬里遙，無端秋雨自蕭蕭。
誰知一夜寒林響，響搖落歸心更盡銷。

秋夜長

長信宮中對月明，瑤階白露濕衣生。
不知玉漏君王夜，金箭銀壺第幾聲。

曝錦堂秋遊得陽字

千樹丹楓九月霜，開筵爛熳入高堂。
坐疑步障裁天錦，十里相連曝夕陽。

夜夜曲

深宮更靜合歡床，簾外偏添五夜香。

月落花開看欲曉東風拂檻送春芳
酬箕山君秋夜登樓見寄懷之
作

夜月天涯百尺樓賦成招隱桂花秋
羨君在邑王孫子何處山中不可遊
為宮子雲壽太翁

遊仙曲裏彩雲開春酒新醺長命杯
采藥千年多不盡君家住古蓬萊

為日向生昆季壽太孺人

酒熟春風入壽筵君家兄弟奉親年
自今新種蟠桃樹長見高堂阿母前
為田大心壽太孺人

酒杯承奉喜紅顏阿母高堂彩服斑
遙想即今稱壽處開簾近更有南山
送晁大夫歸小山時令諸秀
才留東學

淮南樹色自堪攀故國叢叢倚小山

早晚待君門下，客相追更折桂枝還。
秋夜香山君奉主人作

高館高秋夜，轉清主人詩酒見交情。
誰知本自雲霄近，不惜開窗對月明。

奉和

東叡大王天台春望

祇苑春風玉樹開，紛紛飛入五雲隈。
君王彩筆隨天樂，別自成花落吹臺。

為稷卿壽太翁

仙吏壽筵開，郎舍主人春酒傍庭闈。
朱門共擁三花樹，彩筆兼翻五色衣。

中秋蘭臺集得中字

蘭臺衣色自雄風，霄漢秋高落月中。
似聽霓裳天上樂，人間近接廣寒宮。

又得家字奉和猗蘭侯席上作
處處秋風桂樹花，爭開樽酒萬人家。

隨侯別有明珠色，添得天光映月華。
九日雨時莊子謙，遊相中賦寄

二首

何處茱萸客，裡寒勝情空。自舉盃難
人間風雨時時急，不使江山任爾看。
彌天秋雨暗江關，想見雲根此日攀。
縱是登高探石穴，不知何處玉函山。
十日集節却菊未開，作示諸君

登高昨日醉何臺，此處殘樽十日盃。
但為諸君能載酒，黃花欲待重來開。

十日席上得庚韻

倚檻秋雲仍自生，携來餘興故人情。
未辭節後東籬色，先送霜前北雁聲。

宮中樂

玉階春暖擁羊車，日日逢迎習大家。
共卷衣裳含笑見，宴前初發後庭花。

約集霞關風雨不果會松前公
使至附謝

關外朝霞黯不流忽為風雨隔高樓
誰知地上病仙子空望城頭咫尺愁

花下對酌

青眼青樽對友生一杯一片惜花情
此中無限春風趣終日相求黃鳥聲

揚柳枝詞

午門過雨建章東揚柳枝枝映漢宮
最是君王回轡路不知何處向春風

花亭新晴奉和猗蘭侯席上見
贈

花亭對酒賞花還纔遇新晴心自閑
又恐人間明日事無邊風雨暗春山

霞關春望

關門曙色海門遙初日蓬萊萬里潮

多少樓臺春自滿，都成光彩上青霄。

暮春送別

何時再會別離難，君去飛花亦自閑。
兩地風光長不盡，明年春色好誰看。

答源京國數書責報見寄

紛紛世事百函書，無日從容烹鯉魚。
罷倦病夫時不報，令君却怪故交疎。

題江島石壁

風濤石岸鬪鳴雷，直撼樓臺萬丈迴。
被髮釣鼉滄海客，三山到處蹴波開。

子規啼

繫舟江上巫山分，客夢迢迢入楚雲。
最是子規啼盡處，月中回首不堪聞。

霞關集期懷仙先生不至席間

偶題步虛詞因作戲贈

閣上仙雲逐望生，不聞天際步虛聲。

料知薊子能驅馬，千里家家盡日行。

流螢篇

珠簾白露玉階光，添得秋螢夜正涼。
點點隨風流不定，亦追高樹入昭陽。

蘭臺醉歌贈佐記室

蘭臺自有習家池，騎馬何須倒接羅。
醉後風流誰得似，山公笑問并州兒。
坐忘亭待月

秋色亭高入醉歌，回頭天際白雲過。
不勝窈窕思明月，吹送清風先已多。

秋宮詞

繁華昨日逐春風，太液秋寒玉樹中。
一自芙蓉謝池上，君王不幸建章宮。
送伊仲曜歸長府兼寄藤貞卿
赤關蒼海舊園廬，好去西風秋未踈。
歸會故人勞門訊，于今獨咲愛何書。

長子行

長于昨夜起西風各自舟歸吳會東

欲就鄰人笑相問月明開處水烟空

遊緣山北溪無礙菴

溪上寒烟綠嶽峯境深閑對數株松

往來記得當年色鱗老于今盡作龍

宮鳥曲

春城月出夜無窮樓宿鳥啼桂樹中

玉漏聲長難作夢君王安在合歡宮

春日陪飲倚蘭臺時聞逍遙公

子來宴成章館作此奉贈羣公

子

玉樹春風並萼吹成章館裡映金卮

忽聞不厭梅花發又自江南添一枝

春日霞關集勸酒稷卿

歌罷馮驩意氣寒歸來長鈇入彈劬

有魚且勸花前酒，休作孟嘗門下看。
成章館春譔得山字，席上上倚

蘭族

青樽坐映百花間，玉樹階庭醉後顏。
內集團榮謝大傳，春來不用上東山。
西莊醉後散歸，既而聞稷卿繫
馬酒肆，戲作調之二首

西莊終日醉金壺，何謂歸鞍繫酒壚。

應被胡姬笑，委頓老生謾學霍家奴。
二八當壚揚柳前，醉來聊駐錦鞍韉。
對驕知是貪重飲，羨見傍人多酒錢。
遙聞伯擘壽太孺人，寄贈戲之

春風開宴醉仙霞，阿母堂前方朔家。
自是杏林多子種，休偷洞裏碧桃花。
為吉蘭皋昆季壽，乃父棲巖翁。
九州南畔對南溟，共指晴雲有壽星。

海上雙珠相映處遙知文彩滿家庭

仲夏樓上飲

高樓對酌醉如泥雨過醒來落日低
不必勸杯須避暑江城五月已凄凄
酬懷仙樓主人與諸子飲見寄

懷

彩雲深處想三山閣上神仙醉後顏
誰料翩翩珠樹色隨風亦自墜人間

成章館春讌得山字又上成章

公子

成章之館對春山詞苑如花不可攀
為是蘓公工手筆重看小許縱人間

花下飲

花底從來憐酒馥尊前不復畏春寒
帶雲和日停琪樹送雪輕風落玉盤

春盡送客

七言絕句
殘花昨日已紛紛無那扁舟復送君
此地明朝春不見水流依舊大江分
子規啼

春盡江南任客舟子規啼處水空流
此間總為輕離別夜夜聲聲不解愁

送島玄仙歸國

赤馬關邊萬里濤歸帆渺渺客心勞
朝來試且回頭望不隔東方海日高

山友石自豐齋詩稿至訪予不
在攜歸客舍俄而沒其友緩部
子為悲其事徵予題遺艸予亦
為之愴然作兼代吊詞

豐城古劍此携來擬向張華匣裏開
不意斗間風雨變天南一夜化龍回
秋暑時甚七月望集成章館此
日也涼風適至滿座披襟同賦

得家字

涼臺幽樹夕陽斜無限西風催桂花
此日回頭窮巷遠不知秋暑在誰家

題源子敬詩卷併和見贈

明月東連海上城蕭條白壁本堪爭
研成難掩陵陽石期尔精光轉更生

桂花樓奉觀道遙公子寄題之作

海南相望暮雲浮應憶蘭臺玉樹秋
元自掌珠明月色投來雙照桂花樓

桂花樓望初月

西山晚樹望秋天初月纖纖含影懸
自是桂花樓上物更期三五入杯圓

小集得烏石山人遊玉函山見
憶之作分韻秋字

玉函山上與誰遊此日西來鴻雁秋

直置滿堂相憶客一時回首為君愁
送元裔師還廣陵臨別見示佳
稿

西_方飛錫杖海雲高臨別詩篇見彩毫
已怪波瀾多變態乘風知賦廣陵濤

暮秋暫遊郊關留別諸君

郊關西望白雲長處處登山木葉黃
來往自應搖落遍携歸秋色解行囊

遊東海寺少林院和大川尊者
作

霜林珠閣映山雲秋後芙蓉落日分
最是雨花臺上色更看天錦碎紛紛

寄贈湖南人二首

琵琶海上白雲愁應望美人南浦流
一自湖山照彩筆至今依舊月明秋
知君近遠拂秋風處處扁舟一釣翁

淡海星搖，依帝座。瑤臺水冷，浸天宮。
戲題明皇貴妃圖

深宮輕襲紫羅裙，睡後浴前春未分。
自是君王貪晝寢，綠鬟終日不為雲。

烏棲曲

上苑烏棲，桂樹枝玉壺宮漏未闌時。
今宵召入，新歌舞帳裏，君王睡不遲。
懷仙樓看人贈桃花

一枝妖艷映流霞，醉殺懷仙閣裡花。
知是天台山上，女相思，春色到君家。

春怨

陰陰樹色繞深宮，一片花開一片空。
渾是年芳行欲盡，不須偏自怨春風。

送海西江文伯

環海西分小九州，錦帆飛送木蘭舟。
歲期玉帛朝回地，那更東來是遠游。

看花寄友

逢著芳菲未即還，溪流深處住春閑。
桃花自似迎人咲，無奈劉郎不愛山。

春日登樓

韋曲高樓萬樹花，胡姬粧飾妬紅霞。
醉來不問囊中物，領著春風附酒家。

惜春得啼字

春風吹樹艸簷低，無復人尋桃李蹊。

唯有鳥聲不相厭，明朝空更繞枝啼。

江南行

江南流水野塘春，春去春來歲月新。
門外復看花正落，即今何處不愁人。
再遊少林奉和大川尊者作

芙蓉掌上白雲端，憶昨丹楓落日寒。
重到祇林花一色，春來轉作雪山看。
答仙臺源子敬夢余見寄懷二

首

萬里銀臺海上濱，誰知錦字入懷新。
夢魂只是遊仙境，相憶空慙郭景純。
一自仙翁去，海濤夜來應望月。明高
衛家如玉休相照，恐使青年夢思勞。
月夜西莊醉歸，復得松前公見。

寄因答謝

西莊醉色夜光杯，歸路清輝送我開。

補

補

睡起更驚投白壁，猶疑都自月宮回。
先後贈佐元錫

君是雄風宋玉才，披襟憶昔醉蘭臺。
料知猶愛忘憂物，俱老相憐長命杯。
肥後萱野翁閑居浪華八十壽詞
習家處處浪華濱，置酒山翁醉裏春。
想得襄陽耆舊會，高年讓齒更無人。
惟適園主人中瀨翁今年七十寄此

補

補

代壽詞

知從樂事長忘老
聞倚幽居靜愛
惟適園中無限趣
春風猶自入紅顏

暮春白賁野玉山及諸君見詩

愧謝相攜遠訪來
田家難勸濁醪杯
春光不隔山中樹
尚有殘花對客開

南郭詩集七言絕句終


安永三年

水雪圖

東都書

嵩山房

小林新兵



補

送野伯修西歸

離筵此處子規啼

雁來時儻相憶

補

題夏月芙蓉各

四十初度

芙蓉白雲不難

幸對弄筵堂上

補遺之詩終

